



IROMAG

Odlazni studenti



by IROUNMO

U OVOM BROJU

LJUDSKA PRAVA

DEVOPS METODE

IZABERI BOLJE

DIGITALNA BIBLIOTEKA

**RAZUMIJEVANJE
MUŠKOSTI**

OMER ĆOSIĆ

Prvi januar nije uvijek bio standardni datum za obilježavanja Nove godine. Rimljani su Novu godinu slavili 1. mart, dok su neke kulture uzimale zimski ili ljetni solsticij za obilježavanje ovog datuma.

Prvi januara kao početak nove kalendarske godine utvrđen je 46. godine prije nove ere za vrijeme Julija Cezara. Engleska i njene američke kolonije usvojile su ovaj datum tek 1752. godine.

Stanovnici ostrva Karibati, u centralnom Pacifiku, prvi dočekuju Novu godinu, dok Američka Samoa poslednja proslavlja.

LJUDSKA PRAVA

By IROUNMO


Pravni fakultet Univerziteta "Džemal Bijedić" u Mostaru u saradnji sa Institucijom ombudsmena za ljudska prava Bosne i Hercegovine, povodom Međunarodnog dana ljudskih prava, organizovao je naučnu konferenciju pod nazivom "Ljudska prava pred izazovima stvarnosti".

Ovo je IV naučna konferencija koju Pravni fakultet Univerziteta „Džemal Bijedić“ u Mostaru organizuje, a u okviru koje se u fokus stavlja zaštita i promocija ljudskih prava i temeljnih sloboda prvenstveno zbog izazova sa kojima se moderno pravo ljudskih prava susreće.



Učesnici Konferencije bili su eminentni profesori, nastavnici, saradnici i asistenti iz oblasti prava i ljudskih prava, kako iz Bosne i Hercegovine, tako i iz regiona, stručnjaci iz prakse u oblasti ljudskih prava, te doktoranti pravnih, društvenih i humanističkih fakulteta u Bosni i Hercegovini.

Na otvaranju IV naučne konferencije, prisutnima su se obratili dekan Pravnog fakulteta Univerziteta „Džemal Bijedić“ u Mostaru prof. dr. Amra Jašarbegović, rektor Univerziteta „Džemal Bijedić“ u Mostaru prof. dr. Alena Huseinbegović, ministar Ministarstva obrazovanja, nauke, kulture i sporta HNK prof. dr. Rašid Hadžović, te Ombudsmenka za ljudska prava dr. sc. Jasminka Džumhur, dok je konferenciju moderirala doc. dr. Emina Hasanagić.



Šta su izazovi sa kojim se ljudska prava danas suočavaju? Kako na njih odgovoriti? Kako valorizovati postojeći normativni okvir i prateće mehanizme zaštite? Kolika je njihova praktična djelotvornost na državnom nivou? Da li je primjena koncepta međunarodne odgovornosti za zaštitu ljudskih prava dovoljno efikasna?

Ovo su samo neka od pitanja kojima su se bavili radovi koji su izloženi na današnjoj konferenciji.

DEVOPS METODE

By IROUNMO

U srijedu, 14.12.2022.g., u prostorijama Fakulteta informacijskih tehnologija Univerziteta "Džemal Bijedić" u Mostaru održana je prezentacija za studnete druge i treće godine o najsavremenijim DevOps metodama agilnog razvoja softvera. Prezentaciju je održao, bivši studnet Fakultet informacijskih tehnologija, Belmin Mahić, koji je trenutno zaposlen na poziciji DevOps inženjera u bosanskohercegovačkoj IT kompaniji Evoila. Belmin je na početku prezentacije, sve prisutne upoznao sa osnovnim teoretskim konceptima DevOps-a, nakon čega je praktično pokazao prerađene koncepte te ostavio dovoljno mjesta za pitanja u slučaju bilo kakvih nejasnoća. Prezentaciji su prisustvovali i profesori i asistenti Fakulteta informacijskih tehnologija i to prof.dr. Denis Mušić profesor iz oblasti predmeta razvoja softvera te Elda Sultić asistent na predmetima iz oblasti baza podataka. Ova prezentacija je jedna u nizu prezentacija koju će Evoila pripremiti za studnete Fakulteta informacijskih tehnologija, a s ciljem povezivanja akademskih zajednica sa realnim sektorom.

The poster features a dark blue background with a man, Belmin Mahić, on the right side. He has a beard, glasses, and is wearing a black jacket over a black shirt, with a lanyard around his neck. His arms are crossed. On the left side, the text is as follows:

evoila^{BIH}



AN INTRODUCTION TO
THE WORLD OF

**Docker &
Kubernetes**

With Belmin Mahić

 On 14 December 2022
11AM @ FIT Mostar

IZABERI BOLJE

By IROUNMO

rojekat „Izaberi bolje“ kojeg finansira Federalno ministarstvo obrazovanja i nauke, a implementira Udruženje „Sunce“ Mostar u partnerstvu sa Nastavničkim fakultetom Univerziteta Džemal Bijedić“ Mostar i tri srednje škole (Građevinska, Medicinska i Ekonomska i turističko-ugostiteljska škola), ima za cilj prevenciju ovisnosti kroz podizanje svijesti o značaju zdravih životnih navika, poput bavljenja sportom, koji utiče na pravilan rast i razvoj školske djece, timski rad, socijalizaciju i integraciju u društvu!



Jedna od aktivnosti projekta jesu Sunčane sportske igre, koje su danas, u duhu inkluzije povezale studente, srednjoškolce i osnovce da budu podrška osobama sa invaliditetom i da zajedno savladavaju postavljene zadatke. Uz virtuozne i višestruko nagrađivane plesne izvedbe PS Mo Stars, u pozitivnoj i opuštenoj atmosferi i besprijeckornu asistenciju studenata i profesora Nastavničkog fakulteta, uspješno su završene Sunčane sportske igre.

Najuspješnijim učesnicima (svi su pobjednici) su podjeljene medalje, a partnerima i donatorima zahvalnice i to:

Nastavnički fakultet

Ekonomska i ugostiteljsko-turistička srednja škola

Srednja građevinska škola

Srednja medicinska škola

Plesni studio Mo Stars

Centar Los Rosales

Udruženje Naša djeca

Udruženje Down sindrom

OŠ Blagaj

Karate klub Blagaj

School & scholl



DIGITALNA BIBLIOTEKA

By IROUNMO

U sklopu #StudyCorner programa, tokom ovog mjeseca studenati i studentice engleskog jezika i studija turizma s Univerziteta "Džemal Bijedić" u Mostaru posjetili su Američki kutak dva puta.

Studenti i studentice su imali priliku istražiti edukativne, tehnološke i zabavne resurse Američkog kutka Mostar, s posebnim akcentom na digitalnu biblioteku eLibraryUSA čiji nepregledni materijali predstavljaju značajnu podršku akademskom radu i napredovanju. Uz učlanjenje i aktivnu konverzaciju na engleskom jeziku tokom posjeta, studentima i studenticama je Kutak predstavljen kao savremena učionica 21. vijeka koja vrlo uspješno inspiriše na učenje i interaktivan i praktičan rad.



RAZUMIJEVANJE MUŠKOSTI: KAKO RAZVITI RODNU ODGOVORNOST

By IROUNMO

Trosatna radionica “Razumijevanje muškosti: kako razviti rodnu odgovornost” održana je u utorak, 06. decembra na Pravnom fakultetu. Radionica je realizovana u okviru projekta UNIGEM, a predavač za studente je bio Nikola Vučić.

Tok radionice je podijeljen je u tri segmenta:

- 1) prezentacija teorijskih i naučnih spoznaja o maskulinitetima i njihovom konstruiranju;
- 2) diskusija, razmjena iskustava i mapiranje ključnih izazova;
- 3) zaključci i komentari.

Radionica je imala za cilj da ponudi uvid u definicije maskuliniteta/mušкости, te da kroz teorijsku analizu otvari prostor raspravi o dominantnim obrascima muškosti koje određuje socijalni i kulturni kontekst.

Radionica je odgovorila na pitanja:

Šta je muškost?

Kakva je hegemonistička muškost?

Da li je svaka muškost toksična?

Koja je razlika između maskuliniteta i feminiteta?

Koja je veza između rodno-zasnovanog nasilja i muškosti?

Koji su alati za poticanje odgovorne muškosti bazirane na solidarnosti i razumijevanju?



DODJELA NAGRADE ZA NAJBOLJE STUDENETE FEDERACIJE BIH

By IROUNMO

Svečana dodjela nagrada najboljim studentima Federacije Bosne i Hercegovine održana je u utorak, 20.12.2022. godine, u Mostaru, u kongresnoj dvorani u zgradi federalnih institucija. Među nagrađenim studentima je i Omer Ćosić, student drugog ciklusa našeg Fakulteta.



Bila mi je velika čast i zadovoljstvo prisustvovati Svečanosti javne dodjele nagrada najboljim studentima u 2022. godini u FBiH te biti jedan od nagrađenih studenata. Zaista je lijep osjećaj dobiti priznanje i nagradu za uloženi rad i trud u proteklom periodu. Upornost i predanost radu uvijek rezultiraju uspjehom. Dodijeljena nagrada predstavlja mi motiv za dalji rad, usavršavanje i razvijanje u profesiji kao i dodatni poticaj na putu ka ostvarenju postavljenih ciljeva.

U akademskoj 2021/2022. godini uspješno sam završio akademski dodiplomski studij na Ekonomskom fakultetu u Mostaru, smjer Bankarstvo i finansije, te stekao zvanje bachelor poslovne ekonomije. Obzirom na pozitivna iskustva tokom prvog ciklusa studija, kvalitet nastavnog procesa te želju za napretkom odlučio sam nastaviti školovanje na Ekonomskom fakultetu kroz pohađanje master studija na smjeru menadžment finansija.

Uvjeran sam da će nagrađenim studentima ova nagrada biti poticaj da nastave predano raditi na izgradnji našeg društva i države. Želim da izrazim zahvalnost Federalnom ministarstvu obrazovanja i nauke za prepoznati rad i dodijeljene nagrade. Ulaganje u obrazovanje je ulaganje u budućnost. Posebnu zahvalnost dugujem mojoj porodici koja mi je velika podrška u mom radu kao i nastavnom osoblju Ekonomskog fakulteta za preneseno znanje i iskustvo u dosadašnjem školovanju” – kazao je kolega Ćosić.

ošaf - suho voće ili kompot od suhog
voća

zahmet - trud, muka, naporan posao

učkur - uzica, tanak pojas od platna

vakat - vrijeme,

vaktija - vremenski raspored

obavljanja vjerskih dužnosti

sofra - trpeza, stol

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

